



ԳԾԱՆԿԱՐԻ ԴԱՍԱԿԱՆ ՊԱՐԶՈՒԹՅՈՒՆ

ԼԻՏՎԱՑԻ

**ԵՐԱԺԻՇՏՆԵՐԻ
ՀԱՄԵՐԳՆԵՐԸ**

Երևանյան երաժշտասերների հյուրն էր վաստակավոր կոլեկտիվ, լենինյան կոմերիտմիության մրցանակի դափնեկիր Լիտվաչի կամերային նվագախումբը (գեղարվեստական ղեկավար և ղեկավար դիրիժոր՝ ՍՍՀՄ ժողովրդական արտիստ, պրոֆեսոր Ս. Սոնդեցկիս):

Լիտվաչի երաժիշտների համերգները տեղի ունեցան Կամերային երաժշտության տանը և «Հայհամերգ» միավորման փոքր դահլիճում: Երկու երեկոյի ընթացքում հնչեցին Մոցարտի սիմֆոնիան, Օուպերտի մեհուդները, Մեհուդյանի սիմֆոնիան, Վիվալդիի «Գեղեկական կոնցերտը», Ռուսինի սոնատը, այլ ստեղծագործություններ:

Երևանյան երաժշտասերները սիրով ունկնդրեցին սովետահայ կոմպոզիտոր, ՀՍՍՀ պետական մրցանակի և հանրապետության լենինյան կոմերիտմիության մրցանակի դափնեկիր Ս. Մանուրյանի կոնցերտը՝ երգեհոնի և կամերային նվագախմբի համար, որը կատարեց ՀՍՍՀ վաստակավոր արտիստ Վ. Սուսմբուլյանը՝ լիտվաչի արտիստների հետ:

Մ. ՎՇՏՈՒՆԻ

Երևանի ժամանակակից արվեստի թանգարանի ցուցահաներից երկուսը այս անգամ տրամադրվել են ՀՍՍՀ վաստակավոր նկարիչ Ռուդոլֆ Խաչատրյանի ստեղծագործություններին:

Ցուցադրություն ներկայացված են տասնյակ բնանկարներ, նատյուրմորտներ ու դիմանկարներ, որոնք պատկերում են այսօրվա մեր շենացող երկիրը, նրա անվանի մարդկանց: Դիտում ես գրաֆիկական բերքեր և մտքի համաձայնված ՌՍՖՍՀ արվեստի վաստակավոր գործիչ Սավելի Յամշչիկովի գրառումներ. «...ոչ մի ավելորդ, կեղծ էֆեկտավոր բան չի խախտում Ռուդոլֆ Խաչատրյանի՝ Հայաստանի հողում ծնված և Ռուսաստանի սրտում իր ստեղծագործ աշխատանքը շարունակող այս նկարչի, արվեստի դասական ներդաշնակությունն ու վարպետորեն մշակված ձեռագրի պարզությունը: Այժմ նրա աշխատանքներն ունեն այն արժանիքներ, որոնք արդեն այսօր թույլ են տալիս դրանք կոչել թանգարանային»:

Ցուցահանդես այցելող արվեստասերները մեծ հետաքրքրությամբ են դիտում «Կնոշ դիմանկար», «Նանան», «ՍՍՀՄ ԳԱ թղթակից անդամ Լևոն Փիռույան», «Մոկոն», «Կիսադեմ», «Քարավան բաշի», «Նկարչուհի Իննա Օլեսկայա», «Աղջիկը՝ խնձորներով», «Դերասան Վլադիմիր Մարյան», «Բալետմեյստեր Մախիմ Մար-

տիրոսյան» դիմանկարների շարքը, ինչպես նաև «Վարդեր», «Նատյուրմորտ» ինֆանոով, «Երեք ձուկ», «Մաղիկներ» նատյուրմորտային աշխատանքներ և այլն:

Նկարչի ստեղծագործական աշխարհում առանձնահատուկ տեղ են գրավում երևանն ու հայկական լեռնաշխարհը: Նրա «Հին երևանը», «Հին Կոնդը», «Գեղամա լեռներ», «Պատշգամբ», «Փողոց՝ աղբյուրով», «Փոքր բակ» ստեղծագործությունները վերստեղծում են Հայաստանի մայրաքաղաքի և բնաշխարհի հուշական կերպարը:

— Ցուրաֆանչյուր արվեստագետ իր ստեղծագործությամբ հոգեհարազատություն է փնտրում մարդկանց հետ, — ասում է ժամանակակից արվեստի թանգարանի տնօրեն, ՀՍՍՀ արվեստի վաստակավոր գործիչ Հենրիկ Իգիթյանը: Չէ՞ որ արվեստի գործը հասցեագրված է մարդկանց: Այս առումով Ռ. Խաչատրյանը երջանիկ նկարիչ է, նրա ստեղծագործական դիպագոնն այնքան լայն է, որ բնորոշակ է իր արվեստի շրջանը ներառել գեղագիտական ամենատարբեր ըմբռնումների մարդկանց:

Ա.Լ. ՄԱՐԳԱՐՅԱՆ

Նկարներում. — Ռ. Խաչատրյանի՝ 1. «Ինֆանդիմանկար», 2. «Կիսադեմ», 3. «Նատյուրմորտ ձկով»:

Լուսանկարներ՝ Ս. ՓԱՇԱՅԱՆԻ



«ՄԻԱՍՆԱԿԱՆ ԸՆՏԱՆԻՔՈՒՄ»

«Միասնական ընտանիքում» նշանաբանով ցուցահանող, որ կազմակերպել են Հայաստանի, Վրաստանի և Ադրբեջանի ժողովրդական ստեղծագործության հանրապետական կենտրոնները, բացվեց Երիտասարդության պալատում:

Ստուգատեսին մասնակցում են եղբայրական հանրապե-

տությունների ամենատարբեր մասնագիտությունների ու տարիքի ինքնուսուցանողներ: Նրանք ներկայացրել են 200-ից ավելի բնանկարներ, դիմանկարներ, գծանկարներ, քանդակներ, փայտից ու մետաղից պատրաստված իրեր, դեկորատիվ-կիրառական ստեղծագործություններ:

(Արմենաբեյ)

ԺՈՂՊՈՐԾԻՔՆԵՐԻ ՆՎԱԳԱԽՈՒՄԲԸ ԳՈՐԻՍՈՒՄ

Գորիսում համերգներով հանդես եկավ Հայաստանի ժողովրդական գործիքների պետական նվագախումբը (գեղարվեստական ղեկավար՝ կոմպոզիտոր Վլադիլեն Բալյան, դիրիժոր՝ Հենրի Մանգասարյան):

Ունկնդիրները ջերմորեն ըն-

դունեցին երգիչներ Էդվարդ Դարբինյանին, Մանիկ Գրիգորյանին, Ֆլորա Մարտիրոսյանին, Լևոն Իսպիրյանին, որոնք մեծ վարպետությամբ կատարեցին հայկական ժողովրդական և գուսանական երգեր:

Ա. ՇԱԼՈՒՆՑ



Տեղեկություն, պարբ. թերթ, 1983 թ. հոկտեմբեր, 30



ՄԱՐԶԱՍԵՐԻ

ԳՐԱԴԱՐԱՆ